

# I VÕROKÕISI KONGRESSI OTSUS

## VÕROKÕISI PÕLISRAHVAS KUULUTAMISÕST

Võrol 22. mahlakuu pääväl 2023

**Mii', Vana-Võromaa põlitsist kihlkunnõst (Harglõ, Kanepi, Karula, Põlva, Rõugõ, Räpinä, Urvastõ, Vahtsõliina) kokko tulnu' iistkõnõlõja' kuuluda, et mi olõ Vana-Võromaa ja tuuläbi Eesti põlinõ rahvas – võrokõsõ'.**

Mi olõ Eesti Vabariigi kodanigu' ni kinnüdü seo kuulutamisõga võrokõisi kimmäst ja perrä-jäämäldä' hindämäärämise õigusõ kuunkõlan riikevaihõlidsõ põlitsidõ rahvidõ õigusõga.

Tukõn aoluulidsõ ja täämbädse ao riikevaihõlidsõ õigusõ ja kokkoleppide pääle, mi kuuluda:

1. Mii', võrokõsõ', olõ põlinõ rahvas kuunkõlan järgmäidsi riikevaihõlidsõ põlitsidõ rahvidõ õigusõ alosdokumentega:

(1) ÜRO põlitsidõ rahvidõ õiguisi kuulutaminõ (13.09.2007);

(2) Riikevaihõlidsõ Tüü-ütisüse (ILO) põlitsidõ rahvidõ ja hõimorahvidõ lepe' nr 169 (27.06.1989);

(3) Euruupa Parlamendi otsus maailma põlitsidõ rahvidõ õiguisi rikmisõ, säälhulgan maa är'võtmisõ kotsilõ (03.07.2018).

2. Mii', võrokõsõ', tiä, et:

– mi olõ Eesti Vabariigi põlinõ rahvas;

– mi olõ tan elänü' päält katõ tuhandõ aastaga;

– mi olõ peri õdagumeresoomõ algkeele sisemaamurdidõ kõnõlõjidõ perrätulõjist, nii et võro kiil om üts vanõmbit õdagumeresoomõ kiili;

– mi kiil, kultuur, elokeskkund ja eloviis omma' ohon.

3. Mii', võrokõsõ', taha:

– ellä' edesi võrokõisi ku põlisrahva mõistlikku, alalõhoitjat ja luudusõhoitjat ello;

– jäiä' esi'hindäs, anda' latsilõ elävähe edesi võro kiil ja kombõ' ni hoita' uma maa puhas ja elämisperine.

4. Mii', võrokõsõ', nõvva võrokõisi põlisrahva õigusõ tunnistamist ja tuust kinni'pidämist Eesti Vabariigi ja Vana-Võromaa umavalitsuisi puult. Tuu man mi taha tetä' nii Eesti Vabariigi ku umavalitsuisiga hääd ja kimmäst kuuntüüd.

5. Võrokõisi hindämäärämise otsusõ tekk' ni kinnüt' Võrokõisi kongress, minkast võtt' ossa rahvast egäst Vana-Võromaa kihlkunnast. Ossa võtt' ... saadikut. Kuulutamisõ puult oll' ..., vasta ... ja puult võta-as ... põlisrahva saadikut.

6. I Võrokõisi kongress valõ ja volit' edespiten ummi asjo ajama, sh kõnõluisis Eesti Vabariigi ammõtligu tunnistusõ saamisõs võrokõisilõ ku põlisrahvalõ, ütetõistkümne liikmõga Võrokõisi kongressi vanõmbidõ kogo.

7. Võrokõisi kongressi vanõmbidõ kogo om ammõtlin kooni' järgmädse Võrokõisi kongressini, miä peetäs nelä aastaga peräst, vai ku vaia, sis varrampa.

8. Ku võrokõisi hindämäärämise tunnistamisõs om vaia muuta' säädüisi, sis tulõ tuud tetä'.